



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ

Strategije razvoja općine Tešanj za period 2018-2027

Tešanj 2027: sredina ekološke svijesti, inovativne poduzetnosti i društvene etike



IZVJEŠTAJ

O OSTVARENJU PLANA IMPLEMENTACIJE STRATEGIJE RAZVOJA OPĆINE TEŠANJ ZA 2022. GODINU

Broj: 08-45-1-117/23

Datum: 23.01.2023. godine

1. Uvod

Godišnji izvještaj o implementaciji Strategije razvoja općine Tešanj (2018-2027) ima za cilj da informiše Općinsko vijeće Tešanj o realizaciji Strategije, ali i da potakne sve zainteresovane strane na veću uključenost i doprinos u cilju povećanja fokusa na projekte iz Strategije razvoja. Ovaj izvještaj daje pokazatelje za 2022. godinu, te određenu sliku prijednog puta nakon pet godine s ciljem da se izmijeni ili dopuni ono što je potrebno, da se prilagode procesi, organizacija i snažnije alociraju resursi na projekte koji će brže voditi ostvarenju službeno opredjeljene vizije općine Tešanj.

Planom implementacije za 2022. godinu predviđen je nastavak započetih projekata iz Strategije razvoja općine Tešanj. U 2018. godini započeta je implementacija 59 projekata, u 2019. godini 19 novih projekata a u 2020. godini su trebala započeti 4 nova projekta (započeta su dva a za druga dva se nisu stvorili preduslovi) i u 2021. godini trebala su započeti dva nova projekta.

Ukupna vrijednost implementiranih projekata u 2022. godini je: 13.4 miliona KM, što je 84,78% godišnje realizacije u odnosu na planirani budžet planiranih aktivnosti u 2022. godini. Zbog kompleksnosti finansiranja iz drugih izvora, a u cilju fokusa na ono što se ima direktan uticaj i na uvid u ono što nema veliki uticaj, urađeno je struktuiranje projekata s novim statusom što će biti u izvještaju i predstavljeno gdje bude potrebno:

- lokalni (lokalni izvori finansiranja: budžet JLS, općinske javne ustanove i preduzeća, građani, privreda)
- kantonalni (budžet ZDK)
- federalni (budžet FBiH, javne ustanove i preduzeća na nivou FBiH, fondovi FBiH)
- državni (budžet BiH, državne korporacije)
- mješoviti (zajednički sufinansiranje)

Tabela 1. Pregled planiranog budžeta prema aktivnostima i realizacija

Sektor	Plan Budžet - Aktivnosti 2022	Realizacija Budžet - Aktivnosti 2022
EKONOMSKI SEKTOR	5.830.704,20 KM	9.088.619,38 KM
DRUŠTVENI SEKTOR	4.597.410,00 KM	1.644.123,57 KM
SEKTOR OKOLINE	5.368.594,00 KM	2.659.258,17 KM
Grand Total	15.796.708,20 KM	13.392.001,12 KM (84,78% od plana)

2. STRATEŠKI CILJEVI I PRIORITETI

2.1. Vizija

Strategijom razvoja općine Tešanj za period 2018 – 2027. godine, definisana je sljedeća vizija:

Tešanj 2027: sredina ekološke svijesti, inovativne poduzetnosti i društvene etike

2.2. Strateški ciljevi

Strategijom razvoja općine Tešanj za period 2018 – 2027. godine, definisana su tri strateška cilja:

Strateški cilj 1: Tešanj, poželjno mjesto za investicije

Strateški cilj 2: Tešanj, sredina ugodnog življenja, pogodna da vrline, znanja i vještina mladih dođu do izražaja

Strateški cilj 3: Tešanj sredina ekološke svijesti, zaštite okoliša i iskorištenja vodnih resursa

2.3. Sektorski ciljevi

Strateški prioriteti za razvoj općine su: ekonomski razvoj, društveni razvoj i zaštita životne sredine. U okviru ovih sektora, definisani su sljedeći ciljevi:

Ekonomski razvoj

Sektorski cilj 1: Unaprijediti sektor ekonomije sa visokim dodatnim vrijednostima, razvijenim lancem snabdijevanja i visokim stepenom investiranja

Sektorski cilj 2: Privući domaće i strane investitore uređenom poslovnom infrastrukturom.

Sektorski cilj 3: Kreirati atraktivno područje za rad i razvijanje ljudskih resursa na području općine Tešanj.

Društveni razvoj

Sektorski cilj 1: Unaprijediti javnu infrastrukturu, uz ravnomjeran razvoj ruralnih i urbanih područja.

Sektorski cilj 2: Kreirati poticaje za razvijanje (atmosfera) društvenog aktivizma

Sektorski cilj 3: Uključiti građane općine u izgradnju sistema zajedničkih vrijednosti.

Sektorski cilj 4: Poboljšati mogućnosti za zapošljavanje, razvoj poduzetništva i društvenog aktivizma mladih.

Sektorski cilj 5: Unaprijediti kvalitet života mladih u oblasti obrazovanja, sporta i kulture.

Sektor zaštite i unapređenja okoliša

Sektorski cilj 1: Poboljšati kvalitet usluge vodosnabdijevanja te povećati količine vode i proširiti obuhvat.

Sektorski cilj 2: Unaprijediti sistem zbrinjavanja komunalnog otpada i otpadnih voda.

Sektorski cilj 3: Poboljšati kvalitet zraka na području općine.

2.4. Ključni planirani prioriteti i fokusi za posmatrani godišnji period

Ključni prioriteti ekonomskog sektora

Fokuiranjem na projekte iz ekonomskog sektora trebalo bi unaprijediti poslovnu infrastrukturu ali i soft područje koje je isto tako važno za dalji razvoj.

Što se tiče ekonomskog sektora i ključnih prioriteta, ovdje moramo istaknuti završetak projekta **1.2.1.2. Izgradnja 110KVTS stanice Jelah**, te nastavak i konstantno ulaganje u opremanje industrijskih zona **1.2.1.1. Završavanje opremanja poslovnih zona sa infrastrukturnim sadržajem**. Podrška razvoju start up ideja mladih, te unapređenje i rješavanje dijelova infrastrukture. Zbog problema u funkcionisanju državne korporacije Elektroprijenos BiH tek je krajem 2021. godine počela gradnja 110 kV TS (umjesto 2018. godine), tako da je veoma bitno da je ovaj projekat završen, jer predstavlja važan faktor budućeg višedecenijskog razvoja.

Tokom godine pojavila se mogućnost većeg obezbjeđenja sredstava za uređenje poslovnih zona kroz javne pozive viših nivoa vlasti. Prilika je iskorištena i na tri javna poziva, općina je bila uspješna sa tri projekta (100% prolat projekata), dva su okončana u 2022. godini, a treći je ugovoren i biće realizovan u prvom dijelu 2023. godine.

Ključni projekat u području inovativnosti: uspostava Tehnološkog centra –izrađena je Studija izvodljivosti za ovaj Centar, nemamo potvrdu interesa privatnog sektora, te smo u razvoju alternativnog projekta kroz TECH-LAB koji implementira TRA, uz finansijsko učešće Općine Tešanj i ILO, vrijednosti cca 190.000 KM i uređenje coworking prostora u Vatrogasnom domu.

Opći utisak je da je nakon zastoja u mogućnosti ulaganja tokom pandemije, rastom cijena energenata, visokom inflacijom u eurozoni i Bosni i Hercegovini, jednim dijelom došlo do vraćanja fokusa na ekonomiju. Od vremena izrade Strategije mnogo okolnosti se promijenilo u ekonomskom, demografskom, političkom smislu te je potrebno revidirati postavljene ciljeve i projekte.

Ključni prioriteti društvenog sektora

U društvenom sektoru za 2022 godinu je bitno izdvojiti i naglasiti projekte na kojima se potenciralo i u koja su uložena značajna sredstva a to su: 2.1.1.2. Izgradnja nove školske zgrade u Medakovu, 2.1.1.9. Izgradnja nove zgrade Centra za socijalni rad sa adekvatnom infrastrukturom, 2.1.1.1. Nastavak adaptacije zgrada društvenih domova u ruralnim sredinama te mnogo ostalih projekata.

Društveni sektor je sam po sebi veoma širok te je broj projekata i mjera u 2022. godini (za 33 projekata su planirane aktivnosti - akcioni planovi a za neke projekte su izostavljene planirane aktivnosti u 2022. godini zbog nedostatka finansijske podrške iz predviđenih izvora finansiranja: objekat Gimnazije, Muzičke škole, Zatvoreni bazen, trotoari na M17 i M4, priključak poslovnih zona na M4, raskrsnica Tešanjka i slično). Konkretno pri izradi Strategije u 2018. godini postavljani su ciljevi koji nisu u nadležnosti općine Tešanj. U više navrata i pod različitim okolnostima neki od ovih projekata su inicirani prema zakonski obaveznim finansijerima, međutim nisu realizovani (povremeno zbog drugih prioriteta, zbog ograničenja raspoloživih sredstava i sl.)

Ključni prioriteti sektora okoliša

U sektoru okoliša za 2022. godinu ključni prioriteti su iz prethodnih godina, projekti vodosnabdijevanja, odvodnje otpadnih voda, projekti koji vode ka smanjenju gubitaka u vodovodnoj mreži, proširenju obuhvata

zbrinjavanja otpada, smanjenju zagađenosti vazduha, zemljišta i vode te povećanju iskorištenosti energije iz alternativnih izvora.

Kod obezbjeđenja novih količina vode, tokom 2022. godine postignuto je više od početno planiranog (PEB 3 završen i pušten u rad, PEB 5 urađen glavni dio, u pripremi realizacije i novi bunar za prehranu sa značajnim kličinama vode...).

Projekat rekonstrukcije centralnog grijanja uz mogućnost obnovljivih izvora energije je kandidovan putem Fonda za okoliš FBiH kod Vlade Republike Češke i nalazi se u fazi evaluiranja i odobravanja za dalje poduzimanje aktivnosti (u 2022. godini posjeta Češke razvojne agencije, Fonda za okoliš i drugih na ocjenjivanju i davanju saglasnosti da se ovaj projekat odobri i konačno krene u njegovu realizaciju). Krajem 2022. godine dobili smo usmenu potvrdu od direktora Češke razvojne agencije da je ovaj projekat odobren i da se ide u dalju realizaciju.

Imamo otežanu realizaciju projekta gradnje kanalizacije. Na ugovorenim radovima je dšlo do zastoja jer Federacija nije produžila ugovor za Centralni nadzor. Osim toga više od godinu dana su blokirana sredstva od 1 milion KM iz IPA fondova, zbog političke krize na nivou Bosne i Hercegovine. Lokalni nivo nema značajan uticaj na ove stvari, ali se to direktno odražava na općinske planove i projekte.

Za 10 projekata su izrađeni planovi aktivnosti za 2022. godinu (akcioni planovi). Sektor okolinske zaštite je finansijski najzahtjevniji jer je uključio nastavak rješavanja ključnih prioriteta: proširenje vodoizvorišta i vodosnabdijevanja, odvodnja otpadnih voda, zbrinjavanje svih vrsta otpada i proširenje obuhvata zbrinjavanja.

2.5. Zbirni pregled projekata obuhvaćenih implementacijom 2018-2022. godinu te Plan implementacije 2022

Operativni dio Strategije razvoja općine Tešanj 2018-2027 je obuhvatio 86 projekata i mjera za period 2018-2022, tj. za petogodišnji period s tim što je na godišnjem nivou pripremana trogodišnja projekcija. Za planski period 2018-2022. godine ukupno je planirano 84 projekta i mjere. Posmatrajući po periodima može se vidjeti da je sa 31.12.2022. godine završeno devet projekata (Tabela 2.). U toku sa određenim stepenom završenosti se nalazi 50 projekata ili mjera. Ovo ukazuje na neadekvatno planiranje početka i završetka projekata i mjera prilikom izrade i usvajanja ove Strategije razvoja. Obzirom da se radilo o novoj metodologiji, onda je očigledno bilo određenih nesporazuma u razumijevanju.

Tabela 2. Završeni projekti ostala samo evaluacija na godišnjem nivou zbog praćenja indikatora

Oznaka	Projekti	Plan početak	Plan kraj	Sektor	Završen	Status	Godišnja aktivnost
1.1.1.2.	1.1.1.2. Podrška razvoja start up ideja mladih (promjena kriterija za dodjeljivanje budžetskih sredstava za pokretanje biznisa)	2018	2022	ES	100%	završen	evaluacija
1.1.1.3.	1.1.1.3. Izmjena i unaprijeđenje odluke o dodjeljivanju zemljišta investitorima	2018	2022	ES	100%	završen	evaluacija
1.2.1.5.	1.2.1.5. Izrada mobilne aplikacije za praćenje infrastrukturnih dešavanja na područjima industrijskih zona	2018	2018	ES	100%	završen	evaluacija
2.1.1.3.	2.1.1.3. Izgradnja četiri sportske sale (Kalošević, Šije, Miljanovci i Jablanica)	2018	2022	DS	100%	završen	evaluacija
2.1.1.11.	2.1.1.11. Izgradnja novog mosta na rijeci Usori (regionalni put R474)	2018	2019	DS	100%	završen	evaluacija
2.2.1.3.	2.2.1.3. Projekti „Sportom do zdravlja“	2018	2018	DS	100%	završen	evaluacija
2.2.1.5.	2.2.1.5. Mapiranje kulturno-historijskih lokaliteta i izrada web karte	2018	2022	DS	100%	završen	evaluacija
3.2.2.5.	3.2.2.5. Veći stepen primjene odluke o komun. redu i sanitarnom minimumu, eko policajac	2018	2022	SE	100%	završen	evaluacija
3.2.2.6.	3.2.2.6 Izrada plana upravljanja otpadom	2018	2020	SE	100%	završen	evaluacija

Tabela 3. Projekti od kojih se odustalo kroz prethodne izvještaje prema Općinskom vijeći

Oznaka	Projekti	Plan početak	Plan kraj	Sektor	Završen	Status	Planirane aktivnosti
2.1.1.17.	Rekonstrukcija korita na rijeci Tešanjci (Trg A. Izetbegovića), zbog dobivenog stručnog mišljenja koje je iznijelo negativnu ocjenu mogućnosti rekonstrukcije,	2018	2022	ES	0%	Odustalo se	ne
2.4.1.2.	Fond za stipendiranje talentovanih sportista, zbog ocjene da se isti realizuje kroz redovnu dodjelu stipendija	2018	2022	ES	0%	Odustalo se	ne
2.4.2.3.	Poticajne mjere za prvo zaposlenje	2018	2022	ES	0%	Odustalo se	ne
3.3.1.4.	3.3.1.4. Edukacija o značaju planskog pošumljavanja i realizacija u praksi	2018	2022	ES	0%	Odustalo se	ne

Od četiri projekta i mjere se odustalo (Tabela 3.) jer se pri pokušaju implementacije istih došlo do saznanja koja su opravdala odustajanje. Slijedi pregled (Tabela 4.) rasporeda svih projekata sa aktuelnim statusom i periodom predviđenog trajanja, tj. godinama početka i završetka projekta.

Tabela 4. Pregled aktuelnog statusa broja projekata u odnosu na predviđeni period realizacije

Od - Do	dolazi	odustalo se	u toku	zastoj	završena
2018-2018	1		1		2
2018-2019	2				2
2018-2020	1		1	2	4
2018-2022	4	3	41	3	52
2019-2020				1	1
2019-2022		1	12	6	18
2020-2022			2	2	4
2021-2022			1	1	2
2019-2018	1				1
Grand Total	9	4	58	15	86

Plan implementacije Strategije razvoja općine Tešanj za period 2021-2022 praktično obuhvata 63 mjera i projekata. Vremenski rok za završetak ovih mjera i projekata je kako slijedi:

Jedan projekat je trebao biti završen 2018. godine:

1.2.1.6. Kreiranje modela upravljanja industrijskim zonama

Četiri projekta su trebala biti završena 2020. godine:

3.2.2.2. Sanacija deponije "Bukva" (tretman procjednih voda, otplinjavanje)

2.1.1.7. Izgradnja zatvorenog bazena

2.1.1.12. Rekonstrukcija raskrsnice Tešanjka (magistralni put M4 x lokalni put Tešanj-Tešanjka)

2.1.1.10. Rekonstrukcija raskrsnice Jelah (magistralni put M4 x regionalni put R474)

Preostalih 58 projekata i mjera trebala bi biti završena 2022. godine.

2.5. Zbirni pregled po sketorima sa akcentom na realizaciju u 2022. godini

Po sektorima to izgleda kako slijedi:

A/ EKONOMSKI SEKTOR

U sklopu ekonomskog sektora je ukupno planirano 19 mjera i projekata (1 završen u 2018. godini + 2 mjere) dok su devet projekata u zastoj. Za realizaciju ovih projekata planom aktivnosti za 2022. godinu je predviđeno 5.830.704,20 KM a realizovano 9.088.619,38 KM (155,88%).

Tabela 5. Pregled plana finansiranja i realizacije po projektima

EKONOMSKI RAZVOJ		Plan aktivnosti 2022	Realizacija
1	1.1.1.2. Podrška razvoja start up ideja mladih (promjena kriterija za dodjeljivanje budžetskih sredstava za pokretanje biznisa)	0	50.000,00
2	1.1.1.5. Projekat promocije tehničke kulture kod učenika osnovnih i srednjih škola	3.000,00	3.000,00
3	1.2.1.1. Završavanje opremanja poslovnih zona sa infrastrukturnim sadržajem	130.000,00	446.523,55
4	1.2.1.2. Izgradnja 110KVTS stanice Jelah	5.500.000,00	7.000.000,00
5	1.2.1.4. Rekonstrukcija lokalnog puta Bukva-Medakovo-Tešanjka i regionalnog puta Tešanj-Jelah	163.704,20	1.207.593,71
6	1.1.1.6. Usmjeravanje potsticaja za poljoprivredu proizvođačima koji imaju kooperantske odnose sa proizvođačima finalnih proizvoda, odnosno onima koji imaju osiguran plasman poljoprivrednih proizvoda	0,00	353.032,00
7	1.2.1.7. Rješavanje priključka industrijskih zona Ciglane, Glinšte i Ekonomije na magistralni i regionalni put	0	7.218,90
8	1.3.1.1. Unaprijediti saradnju privrednog sektora i srednjih škola	13.500,00	20.251,22
9	1.3.1.3. Promocija etičkog odnosa poslodavaca i radnika	0	1.000,00
Ukupno		5.830.704,20	9.088.619,38

B/ DRUŠTVENI SEKTOR

U sklopu društvenog sektora je planirano ukupno 46 mjera i projekata (četiri završeno i od tri projekata se odustalo). U zastoju je 11 projekata.

Za realizaciju ovih mjera i projekata menadžeri projekata u planovima aktivnosti za 2022. godinu su predvidjeli 4.597.410 KM. U toku 2022. godine je utrošeno 1.644.123,57 KM (35,76%). Najveće odstupanje od plana je nastalo na projektima koji nisu direktno općinski (škola Medakovo, raskrsnica Jelah i Tešanjka).

Tabela7. Pregled plana finansiranja i realizacije po projektima

DRUŠTVENI RAZVOJ		PLAN aktivnosti 2022	Realizacija
1	2.1.1.1. Nastavak adaptacije zgrada društvenih domova u ruralnim sredinama	41.500,00	140.598,96
2	2.1.1.2. Izgradnja nove školske zgrade u Medakovu	1.450.000,00	799.565,00
3	2.1.1.8. Izgradnja pješačkih staza	7.000,00	26.996,60
4	2.1.1.9. Izgradnja nove zgrade Centra za socijalni rad sa adekvatnom infrastrukturom	120.000,00	163.494,92
5	2.1.1.10. Rekonstrukcija raskrsnice Jelah (magistralni put M4 x regionalni put R474)	650.000,00	0
6	2.1.1.12. Rekonstrukcija raskrsnice Tešanjka (magistralni put M4 x lokalni put Tešanj-Tešanjka)	1.450.000,00	0
7	2.1.1.15. Izgradnja sportske dvorane u Jelahu	780.910,00	468.059,41
8	2.1.1.16. Izgradnja Doma kulture u Jelahu	6.000,00	0
9	2.2.1.2. Viši nivo osposobljenosti sportskih trenera	1.000,00	0
10	2.2.1.4. Istraživanje prošlosti tešanskog kraja i očuvanje pisane i materijalne baštine	18.500,00	8.500,00
11	2.2.1.7. Obogaćivanje društvenih, kulturnih i zabavnih sadržaja u ruralnim sredinama	12.000,00	3.620,00
12	2.3.1.1. Prevencija maloljetničke delikvencije	5.000,00	0
13	2.3.1.6. Briga o nemoćnim osobama i rehabilitacija starih i iznemoglih lica	20.000,00	11.110,00
14	2.4.1.1. Obuka mladih za planiranje i upravljanje projektima	1.500,00	1.381,81
15	2.4.1.3. Priznavanje i nagrađivanje mladih umjetnika i sportista i njihovih uspjeha i rezultata.	6.000,00	10000
16	2.4.1.4. Program obuke omladinskih lidera (omladinski rad)	5.000,00	2.855,50
17	2.4.1.5. Dani otvorenih vrata "Dani sporta"	3.000,00	4.591,37

18	2.4.1.6. Dani volonterizma i aktivizma	3.000,00	0
19	2.4.2.1. Edukacija mladih u oblasti poslovnih vještina i komunikacije (CV, pismo motivacije intervju, traženje posla, i sl.),	3.000,00	1350
20	2.4.2.2. Prekvalifikacija i dodatna obuka za mlade (program prekvalifikacije)	5.000,00	5.000,00
21	2.4.2.4. Sajam zapošljavanja mladih	4.000,00	4.000,00
22	2.5.1.1. Medijske kampanje o vrijednostima porodice	5.000,00	3.000,00
Ukupno		4.597.410,00	1.644.123,57

C/ EKOLOGIJA

U sklopu ekologije je ukupno planirano 21 mjera i projekata (jedna mjera završena u 2018. godini ali se prati evaluacija a druga je završena u 2020 i također se prati evaluacija, od jednog projekta se odustalo). Tri projekta su u zastoju a ostali u toku realizacije.

Za realizaciju ovih mjera i projekata menadžeri projekata u planovima aktivnosti za 2022. godinu predvidjeli 5.368.594 KM. Do kraja 2022. godine je utrošeno 2.659.258 KM (49,53%).

Tabela 8. Pregled plana finansiranja i realizacije po projektima

ZAŠTITA ŽIVOTNE SREDINE		PLAN aktivnosti 2022	Realizacija
1	3.1.1.1. Dodatne količine vode	392.020,00	726.519,74
2	3.1.1.2. Smanjenje gubitaka i potrošnje vode	43.000,00	18.070,00
3	3.1.1.4. Izrada Studije dugoročnog rješenja vodosnabdjevanja na području općine Tešanj sa idejnim rješenjima	0	300
4	3.2.1.1. Izgradnja primarne, sekundarne i tercijalne kanalizacione mreže	3.386.000,00	1.560.691,48
5	3.2.1.2. Izgradnja PPOV (uređaja za prečišćavanje)	500.000,00	0
6	3.2.2.1. Proširenje obuhvata sistema prikupljanja komunalnog otpada	11.000,00	10.920,50
7	3.2.2.2. Sanacija deponije "Bukva" (tretman procjednih voda, otplinjavanje)	380.000,00	150.000,00
8	3.3.1.3. Eko oaza, jezero Rastoke	100.000,00	1.010,00
9	3.3.1.5. Podizanje drvoreda u urbanim sredinama	6.574,00	6.746,45
10	3.3.2.1. Projekti utopljavanja	550.000,00	185.000,00
Ukupno		5.368.594,00	2.659.258,17

3. PREGLED IMPLEMENTACIJE STRATEGIJE RAZVOJA

3.1. Sažet osvrt na prethodni finansijski period

Nakon pet godine realizacije Strategije razvoja općine Tešanj slijedi pregled planiranih i realizovanih sredstava na godišnjem nivou a na temelju planiranih aktivnosti na godišnjem nivou (akcionih planova menadžera projekata). Ipak i ovako predstavljeni podaci ukazuju na stepen finansijske realizacija akcionih planova menadžera projekata, odnosno Strategije razvoja u petogodišnjem periodu u apsolutnom iznosu od 61,90%. Situacija je značajno različita od projekta do projekta kao i uzroci, ali to pitanje treba rješavati na operativnom nivou planiranja i realizacija projektnih aktivnosti kao i alokacije budžeta prilikom njegovog donošenja, te koordinacija sa višim nivoima vlasti.

Tabela 9. Pregled plana finansiranja planova aktivnosti i realizacije po godinama

4.A REALIZACIJA BUDŽETA za period utroška 01.01.2018. – 31.12.2022.				
	EKONOMSKI SEKTOR	DRUŠTVENI SEKTOR	OKOLINSKI SEKTOR	UKUPNO
Plan po aktivnostima 2018	1.241.551,00	3.080.920,00	5.752.110,10	10.074.581,10
Realizacija 2018	975.835,47	2.358.187,14	2.591.498,78	5.925.521,39

% realizacije 2018	78,60%	76,54%	45,05%	58,82%
Plan po aktivnostima 2019	424.595,00	2.117.628,00	1.754.150,00	4.296.373,00
Realizacija 2019	291.614,00	1.088.114,18	2.576.908,03	3.956.636,21
% realizacije 2019	68,68%	51,38%	146,90%	92,09%
Plan po aktivnostima 2020	1.070.174,00	2.285.529,00	4.643.307,73	7.999.010,73
Realizacija 2020	324.089,00	1.373.769,04	1.289.400,49	2.987.258,53
% realizacije 2020	30,28%	60,11%	27,77%	37,35%
Plan po aktivnostima 2021	644.400,00	3.373.170,00	5.073.349,00	9.090.919,00
Realizacija 2021	543.614,09	716.798,86	1.729.157,64	2.989.570,59
% realizacije 2021	84,36%	21,25%	34,08%	32,88%
Plan po aktivnostima 2022	5.830.704,20	4.597.410,00	5.368.594,00	15.796.708,20
Realizacija 2022	9.088.619,38	1.644.123,57	2.659.258,17	13.392.001,12
% realizacije 2022	155,88%	35,76%	49,53%	84,78%
Plan po aktivnostima 2018-2022	9.211.424,20	15.454.657,00	22.591.510,83	47.257.592,03
Realizacija 2018-2022	11.223.771,94	7.180.992,79	10.846.223,11	29.250.987,84
% realizacije 2018-2022	121,85%	46,46%	48,01%	61,90%

Tabela 10. Pregled planiranih aktivnosti i status tih aktivnosti nakon pet godine

2.A Rokovi implementacije aktivnosti planiranih za period						
01.01.2018. - 31.12.2022.						
SEKTOR	Planirano	U realizaciji	U toku	Zastoj	Zastoj – mjera poduzeta	Završena aktivnost
Ekonomski sektor	236	32	11	9	8	151
Društveni sektor	682	92	39	23	15	414
Zaštita životne sredine	320	73	56	9	5	187

Tabela 11. Pregled planiranih aktivnosti i % završenih aktivnosti nakon četiri godine


3 Stepen implementacije (2.A)		
01.01.2018. - 31.12.2022.		
SEKTOR	PLAN	Završeno % od plana
Ekonomski sektor	239	64,00%
Društveni sektor	682	60,70%
Zaštita životne sredine	320	58,40%

3.2 Strukturni pregled implementacije Strategije za 2022. godinu


Zbog pandemije Covid19 planirane aktivnosti u 2020. godini su značajno usporene ili čak bile u potpunom zastoju, a to se također nastavilo i u 2021. godini što je cjelokupno uticalo na rezultate u 2020. i 2021. godini.

U nastavku je grafički prikaz planiranog budžeta po planiranim aktivnostima u 2022. godini po sektorima i realizacija za 2022. godinu.

Grafikon 1. Grafički prikaz planskog finansiranja i realizacije po sektorima 2022. godine



Na prethodnom grafikonu je prikazano plansko finansiranje po sektorima



Na prethodnom grafikonu je prikazana realizacija po sektorima

3.3 Ključni rezultati i ostvareni progres

Na osnovu projektnih aktivnosti može se zaključiti da su najveća sredstva angažovana na sektor ekologije. Gledano kroz prizmu strateških indikatora svih prikupljenih i obrađenih podataka o implementaciji projekata u izvještajnom periodu, godišnji rezultati najlakše se vide prije svega kroz realizaciju projekata kapitalnih investicija u infrastrukturu (vodovodna mreža, putna infrastruktura, uređenje poslovne zone, fiskulturne dvorane, zgrade škola u Medakovu i Centar za socijalni rad).

U oblasti ekonomskog sektora su definisana tri strateška cilja. Državna korporacija ELEKTROPRIJENOS, koja vodi i finansira projekat izgradnje 110 KV TS (trafo stanice), je pokrenula javnu nabavku pri samom kraju 2020. godine (Nabavka i isporuka dva energetska transformatora 110/x kV, 20 MVA u TS 110/x kV Jelah u iznosu od 1.200.00 KM i Nabavka izgradnje TS 110/x kV Jelah sa priključnim DV u iznosu od 4.804.806 KM), a krajem 2021. godine je počela gradnja ovog izuzetno važnog projekta za našu opštinu. Najvažnije stvari koje su obilježile ekonomski sektor u 2022. godinu su završetak izgradnje 110 KV trafostanice, izdvojena značajna sredstva za nastavak opremanja poslovnih zona, kontinuirana podrška razvoju start up ideja mladih. Općina je intervenisala dodatnim sredstvima na poticaje u poljoprivredi što nije finansijski vidljivo u projektima Strategije razvoja.

U oblasti društvenog sektora završen je projekat izgradnje školskih dvorana, ambulanti u Pousorju, započeta izgradnja zgrade osnovne škole u Medakovu te sportske dvorane u Juelahu. Društveni razvoj od planiranih 46 projekata na 32 projektu djelimično ili u cijelosti implementirane planirane aktivnosti. Sedam projekata je završena a od toga četiri se prate sa evaluacijom na godišnjem nivou i to: Izgradnja 4

sportske dvorane, izgradnja novog mosta na rijeci Usori, sportom do zdravlja i mapiranje kulturno-historijskih lokaliteta i izrada web karte. Dvanaest projekata je u zastoju. U 2022. godini značajna sredstva su se izdvojila i intenzivno se radilo na izgradnji škole u Medakovu, sportske dvorane u Jelahu, zgrade Centra za socijalni rad, nastavak adaptacije zgrada društvenih domova te ostalim projektima.

U oblasti okolinskog sektora su aktivnosti na smanjenju gubitaka te pronalasku dodatnih količina vode, te izradi kanalizacione mreže. Treba istaći projekat rekonstrukcije centralnog grijanja uz mogućnost obnovljivih izvora energije je kandidovan putem Fonda za okoliš FBiH kod Vlade Republike Češke koji se nalazi u fazi ocjenjivanja. Krajem 2022. godine dobili smo pismenu potvrdu od direktora Češke razvojne agencije da je projekat „**Toplification of the Municipality of Tešanj with Renewable / Environmentally Acceptable Energy Sources –Phase I, Stage I**” („Toplifikacija općine Tešanj obnovljivim/ekološki prihvatljivim izvorima energije – I faza”) dobio podršku za dalju realizaciju u saradnji sa općinom i Fondom za zaštitu okoliša FBiH. Izrada Studije dugoročnog rješenja vodosnabdjevanja na području općine Tešanj sa idejnim rješenjima, izabran izvođač za izradu studije.

Projekti iskorištenja solarne energije su pokrenuti, Toplana je završila mini solarnu elektranu 23 kW i već ubire prihode od toga, a za Opća Bolnica i komunalno preduzeće JP RAD su urađeni projekti tako da se očekuje realizacije u 2023. godini.

Shodno dosadašnjim izvještavanjima o projektima iz Strategije razvoja Općine Tešanj i svim poduzetim aktivnostima na afirmaciji iste može se zaključiti da je bilo poteškoća kod definisanja ciljeva za pojedine projekte kao i poteškoća u realizaciji istih jer nisu ovisili u konačnici samo o entuzijazmu i finansijama lokalne zajednice nego je velika podrška očekivana (nekada dobijena, češće ne) sa viših nivoa vlasti što u velikoj mjeri utiče na razvoj Općine Tešanj, kao i kašnjenja od planiranih definisanih rokova. Ono što su isključivo lokalni projekti trebaju dobiti veći fokus svih zainteresiranih strana u lokalnoj zajednici kako bi zajedničkom sinergijom realizirali zacrtano.

3.4. Horizontalna i vertikalna usklađenost i nivo integrisanosti

U oktobru 2019. godine je Federacija BiH (Vlada i Parlament) su donijeli zakonske propise o planiranju razvoja na svim nivoima (FBiH, kanton, općina), strateškom planiranju, izvještavanju i evaluaciju kojom je obuhvaćena obaveza pravovremenog vremenskog usklađivanja prioriteta po vertikali. To u isto vrijeme pomjera cijeli proces planiranja unaprijed, posebno kratkoročno (1+2 godine). U 2022. godini se radilo na revidiranju postojeće Strategije po novoj metodologiji i normativnom okviru a to je:

- Zakon o razvojnom planiranju i upravljanju razvojem u Federaciji BiH („Službene novine Federacije BiH”, broj 32/2017)
- Uredba o trogodišnjem i godišnjem planiranju rada, monitoringu i izvještavanju u FBiH („Službene novine Federacije BiH”, broj 74/2019)
- Uredba o izradi strateških dokumenata u („Službene novine Federacije BiH”, broj 74/2019)
- Uredba o evaluaciji strateških dokumenata u FBiH („Službene novine Federacije BiH”, broj 74/2019)
- Uredba o izradi indeksa razvijenosti u FBiH („Službene novine Federacije BiH”, broj 17/2019)

3.5 Institucionalni kapaciteti općinske uprave i saradnje sa bitnim akterima

U 2022. godini je nastavljena ista organizacijska struktura predviđena Strategijom razvoja općine Tešanj 2018-2022, osim u dijelu gdje je izmjenom sistematizacije Općine Tešanj kreirano stalno radno mjesto Stručni savjetnik za upravljanje razvojem koje je pred kraj 2022. godine i popunjeno sa zaposlenikom VSS na neodređeno vrijeme. Vođe projekata su angažovane rješenjem Općinskog načelnika iz reda uposlenika u administraciji i javnim ustanovama i preduzećima. Samo u par slučajeva su imenovana lica iz nevladinog sektora koja su uspješno volonterski radila na realizaciji tri projekta.

U procesnom smislu je osigurana je integracija svih sudionika i zainteresovanih strana putem elektronskog portala na kome se nalazi svi godišnji planovi rada: aktivnosti, vremenski okvir i planirani budžet projekta ali i realizacija svih važnijih događaja u svakoj aktivnosti po svim projektima. Isto tako je omogućen trenutni monitoring rukovodilaca na svim nivoima, posebno pomoćnika općinskog načelnika i načelnika koji mogu bilo kada vidjeti aktivnosti koje su u kašnjenju ili zastoju i pomoći neposrednom podrškom.

4. ZAKLJUČCI I PREPORUKE

Na osnovu naučenih lekcija kroz implementaciju Strategije u toku 2023. godine, predlaže se sljedeće:

1. Općinskom vijeću Tešanj će na februarskoj sjednici biti ponuđen revidirani strateški dokument za operativni period 2023-2027 na osnovu strategije razvoja općine Tešanj sa uvrštavanjem novih ciljeva i izmijenjenih okolnosti kao što su prostorni plan, koridor Vc itd.
2. Radi realnijeg planiranja kod predlaganja ovog dokumenta će biti sa „oprezom“ planirani projekti koji nisu u nadležnosti općine Tešanj
3. Tokom 2023. godine će se u punom obimu primijeniti propisi o trogodišnjem planiranju rada za period 2024.-2026.
4. Tokom 2023. godine i dalje jačati ljudske kapacitete uključene u rad na realizaciji Strategije razvoja.

Dostaviti:
Općinsko vijeće
a/a

